

Badische Landesbibliothek Karlsruhe

Digitale Sammlung der Badischen Landesbibliothek Karlsruhe


Der Nibelunge Lied

Leyser, Hermann

Leipzig, 1840

V. Aventure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Hie Sivrit Ghriembilt alreste erfach

V. Auentiure.

Man sach si tägliche. nu riten an den Rin.
di zer hochgeite. gerne wolden sin.
die durch der chunige liebe. chomen indaz lant.
man gap da genvogen. bediv roff vnt ovch gewant.

In was ir gesidele. allen wol bereit.
den hohsten vnt den besten. als uns das ist geseit.
zwein vnt drizzech fursten. da zer hohgecite.
da zierte sich engegene. vil manic iunefrowe sit.

Es was vil vnmozlich. Giselher das chint.
die vrenden vnt ir mage. vil goetliche sint.
enpfinger vnt Gernot. vnt ovch ir beider man.
ia grozten si die degene. als es nach eren was getan.

Die golt varwen satele. si brahten indaz lant.
die zierlichen schilde. vnt herlich gewant.
durch des wirtes liebe. zu der hohgecit.
vil manigen vngesunden. sach man vrolichen sit.

Die inden penen lagen. vnt heten wunden not.
die mozin des vergezen. wie herte was der tot.
die siechen vngesunden. die mozin si verklagen.
si freuten sich der märe. gein der hohgecite tagen.

Wie si lebn wolden. da zer wirtschaft.
wnne ane maze. mit freuden oberchraft.
heten al die lute. swaz man ir da vant.
des hoop sich nichil wnne. vber al das Gunthers lant.

An einem pfiensst morgen. sach man for gan.
gekleidet wnnekliche. vil manigen chunen man.
sonf tusint oder mere. da zer hohgecit.
der lop vil vollekliche. an den Burgonden lit.

Der wirt der het die sinne. im was wol bekant.
wie rehte hercenliche. der helt von Niderlant.
sine swester troote. swier si niene gesach.
der man so grozer schone. vor allen iunefrowen iach.

Er sprach nu ratet alle. mage vnt mine man.
wie wir die hochgecite. so lobeliche han.
daz man vns drumbe iht schelte. her nach dirre cit.
ein ieslich loy vil stäte. ze iungeft an den werchen lit.

Do sprach vzer Meizen. der degen Ortewin.
welt ir mit vollen eren. zer hochgecite sin.
so sult ir lazen schowen. diu winneklichen kint.
die mit so vollen eren. hie zen Burgonden sint.


Waz were mannes winne. des freote sich ir lip.
ez entäten schone meide. vnt herlichiv wip.
ir lazet iwer swester. for iwer geste gan.
der rat was zeliube. vil manigem degene getan.

Des wil ich gern volgen. sprach der kunic do.
alle die ez erfunden. die warns harte vro.
man saget ovch daz froun Vten. vnt ir tohter wolgetan.
daz si mit ir megeden. hin zehove solde gan.

Do wart v; den chisten. gesucht goot gewant.
swaz man inder valde. der liechten wäte vant.
porten vnt pouge. des was in vil bereit.
sich ziert minnekliche. vil manic wätlichiv mit.

Vil manic reche tumber. des tages hete mvot.
daz er an zesehene. den frowen wäre goot.
daz er da for näme. niht eines kuniges lant.
si sahen die vil gerne. die si heten nie bekant.

Do hiez der kunic riche. mit siner swester gan.
die ir dienen solden. wol hundert siner man.
ir vnt siner mage. die trugen swert enhant.
daz was daz hofgesinde. vzer Burgonden lant.



Voten die vil richen. die sah man mit ir chomen.
div hete frowen schone. gefellechlich genomen.
wol hundred oder mere. die trogen richiv kleit.
nv gie mit Chriemhilde. vil manic wätlichiv meit.

Von einer kemenaten. sach man si alle gan.
da wart vil michel schowen. von rechen gar getan.
die des gedingen heten. ob kunde daz geschehn.
daz si Chriemhilde. solden vrolichen sehen.


Nv gie div minnekliche. also der morgen rot.
tvot v; den troben wolchen. da schiet von maniger not.
der si da trovg inhercen. vnt lange het getan.
er sach die minneklichen. nv vil herlichen stan.

Ja luht ir von ir wäte. vil manic edel stän.
ir rosen rotiv varwe. vil minnekliche schein.
swer so wnschen solde. der enkünde niht geiehn.
daz er indirre werlde. häte schoners iht geschyn.

Sam der liechte mane. vor den stern stat.
des schin so lütterliche. ab den wolchen gat.
dem stvnt si vil geliche. vor maniger frowen gvot.
des wart vil wol gehöhet. den zieren heleden der mvot.

Die richen kameräre. die sach vor in gan.
die hochgemvten degene. dine wolden daz niht lan.
sine drungen da si sahen. die minneklichen meit.
Sivride dem edelen. was beidiv lieb vnt leit.

Er daht insinem mvote. wie kunde daz ergan.
daz ich dich minnen solde. als ich gedingen han.
sol aber ih dich vrenden. so wär ich sanfter tot.
er het von ir schulden. tovgen lieb vnt not.



Do stunt so minnekliche. das Sigemundes kint.
sam er entworfen wäre. an ein permint.
von goter meister listen. als man im do iach.
das man helt deheinen. so wätlichen nie gesach.

Die mit Chriemhilde giengen. die hiezen von den wegen.
wichen allenthalben. das leiste manic degn.
div hohe tragenden hercen. freoten manigen lip.
man sach ingrozen zohnten. vil manic herliches wip.


Do sprach von Burgonden. der herre Gernot.
der in sinen dieneft. so minnekliche bot.
Gunther lieber bruder. dem solt ir tun alsam.
vor allen disen degenen. des rats ich nimmer mich gescham.

Ir heizet Sifriden. den Sigemundes svon.
gen zu Chriemhilde. ob ir wol wellet tuon.
div nie gegruozte rechen. div sol ingrozen pflegn.
da mit wir zeinem vriuunde. habn den zierlichen degn.

Do giengens wirtes mage. da man den rechen vant.
si sprachen zu dem kunige. vzer Niderlant.
der wirt hat ir erlobbet. ir sult ze hove gan.
sin swester sol inch grüzen. das ist zen eren in getan.

Do wart der degen gvote. der märe vil gemeit.
ia truger indem mvote. lieb ane leit.
das er sehn solde. das minnekliche kint.
mit minneklichen togenden. si grozte Sifriden sint.

Do si den hochgemvten. vor ir stende sach.
do enzvnde sich ir varwe. div schone magt sprach.
sit willekomen herre Sifrit. ein edel ritter gvot.
do wart im von dem groze. vil wol gehöhet der mvot.



Er neigir vlysekliche. bi henden si in vie.
wie rechte minnekliche. der reche bi ir gie.
mit lieben ovgen blichen. ein ander sahen an.
der herre vnt ovch div frowe. daz wart tougentlich getan.

Wart iht da frivntliche. getwungen wiziv hant.
von hercenlieber minne. daz ist mir vnbekant.
doch enmac ich niht gelouben. daz ez wrde lan.
si het im holden willen. harte schiere kunt getan.

Bi der sumercite. vnt gein des meyen tagen.
chvnder insinem herzen. nimmer me getragen.
minneklicher freuden. denner ir do gewan.
do im div gie so nahen. die er zetrote wolde han.

Do gedahte manie reche. vnt wär mir sam geschehen.
daz ich ir gienge in hende. sam ich in han geschn.
oder bi zeligene. daz liez ich ane haz.
ez gediente noch nie reche. nach einer kuniginne baz.

Von swelher kunige landen. die geste chomen dar.
die namen al gemeine. niwan ir zweier war.
ir wart erlobbet kussen. den wätlichen man.
im wart bi sinem lebene. nie so liebe getan.

Der kunic von Tenemarche. der sprach sa zestvnt.
diss vil hohen grozes. lit maniger ungesvnt.
des ich vil wol enpsinde. von Sifrides hant.
got enlaze in nimmer mere. komen inminiv fursten lant.

Do hiez man allenthalben. wichen von den wegen.
den minneklichen frowen. vil manigen chvenen degen.
sach man gezogentlichen. ze hofe mit ir gan.
sit wart von ir gescheiden. der vil wätlich man.

Do gie si zu dem munster. ir volgete manig wip.
do was och so gezieret. der Chriemhilde lip.
daz da hoher wnsche. maniger wart verlorn.
si was da zogen weide. vil manigen rechen geborn.

Vil chome erbeit Sifrit. daz man da gesanc.
er mohte sinen salden. immer sagen danc.
daz im diu was so wäge. die er inhercen trooch.
och was er der schonen. holt von schulden genoch.


Do si chom vor daz munster. sam er e' hete getan.
man sahe in frivntliche. zu Chriemhilde gan.
do begonde im danchen. diu vil schoniv meit.
daz er vor ir magen. so rechte herlichen streit.

Nu lon ir got her Sifrit. sprach daz schone kint.
daz ir daz habt verdienet. daz ir die rechen sint.
so holt von warn schulden. als ich si hore ichn.
do begunder minnekliche. an vrouen Kriemhilden sehn.

Ich sol in immer dienen. also sprach der degn.
vnt enwil min hovbet. nimmer e' gelegen.
ich engedien ir hulde. als ich des willen han.
des ist ein teil frow Chriemhilt. nach iuvern hulden ergan.

Inre tage zwelfen. der tage al ieselich.
sach man bi dem rechen. die maget lobelich.
so si zehofe solde. vor den fursten gan.
diu ere wart dem degene. durch groze liebe getan.

Vredde vnt wne. vil grozlichen schal.
sach man da tageliche. vor Guntheres sal.
dar vor vnt och dar inne. von manigem chynigen man.
Ortwin vnt Hagene. grozer wnder da began.



Swes iemen pflagen solde. des warn si bereit.
mit volleklicher maze. die helde vil gemeit.
des wrden von den gesten. die rechen wol bekant.
da von was gezieret. alles Guntheres lant.

Die e' da wude lagen. die sach man fur gan.
si wolden chürzwilen. mit des chuniges man.
schirmen mit den schilden. vnt schiezzen manigen schaft.
des hulsen in genwoege. si heten grosliche kraft.

Inder hochgecite. der wirt der hiez ir pflegn.
mit der besten spise. er hete sich bewegn.
aller hande schande. die ie kunie gewan.
man sach in minnekliche. zo den sinen gesten gan.

Er sprach ir guten degene. e' daz ir scheidet hin.
so nempt die mine gabe. also stet min sin.
daz ich ez immer diene. versmähht niht min gvot.
daz wil ich mit ir teilen. des han ich willigen mvot.

Die von Tenemarche. sprachen sa zehant.
e' daz wir wider riten. heim inunser lant.
wir gern stäter svone. vnt gebn michel gvot.
vnt sezen ir des sicherheit. swie irch des selben dunchet gvot.

Liudegast geheilet. siner wunden was.
der vogt von den Saksen. nach strite wol genas.
ettesliche toten. si liezen dar enlant.
do gie der kunich Gunther. da er Sivriden vant.

Er sprach zo dem degene. nu rate wie ich tuo.
die unser widerwinnen. wellent riten svoo.
vnt gernt stäter svone. an mich unt mine man.
nu rata degen chvone. was dich des got donche getan.

Waz mir die helde bieten. daz wil ich dir sagen.
swaz funshundert möre. goldes mugen tragen.
daz gäben si mir gerne. wold ich si ledich lan.
do sprach der herre Sivrit. daz wäre vil vbele getan.

Ir solt si ledeklichen. hinnen lazen varn.
vnt daz die rechen beide. mere wol bewarn.
daz si immer mer geriten. mit here in iwer lant.
des lat ir sicherheite. von der beider herren hant.

Des rates wil ich volgen. damite si giengen dan.
den sinen widerwinnen. wart daz kunt getan.
ir goldes gerte niemen. daz si da boten e'.
da heime ir lieben frivnden. was nach den her muden we.

Vil manige schilde volle. man dar schazzes trooch.
er teiltes ane wage. den frivnden sin genvoch.
bi funshundert marchen. vnt eteslichen baz.
Gernot der vil chune. der riet Gvnthere daz.

Urlooy si alle namen. also si wolden dan.
do sach man die rechen. for Chriemhilde gan.
vnt ovch da frow Vote. div kuniginne saz.
ez enwart noch nie degenen. mere gevorlobbet baz.

Herberge wden läre. do si von dannen riten.
noch bestvnt da heime. mit ritterlichen siten.
der kunich mit sinen magen. vil manic edel man.
die sach man nv tägliche. for frown Chriemhilde gan.

Urlooy ovch nemen wolde. Sivrit der helet gvot.
ern trovte niht verenden. des er da hete mvot.
der kunic daz sagen horte. daz er wolde dan.
Giselfher der iunge. den degn vlegen do began.



War woldet ir nu riten. vil edel Sivrit.
belibet bi den degenen. tvot des ich iewch bite.
bi Gonthere dem kunige. vnt ouch bi sinen man.
hie ist vil schöner frowen. die sol man gerne iewch sehen lan.

Do sprach der starche Sivrit. diu ross diu lazet stan.
ich wolde hinnen riten. des wil ich abe gan.
vnt traget ouch hin die schilde. ia wold ich in min lant.
des hat mich her Gifelher. mit grozen triwen erwant.

Sof beleip der kune reche. durch friwende liebe da.
ia wär er inden landen. ninder anderswa.
gewesen also sanfte. da von nu daz geschach.
daz er nu swenner wolde. die schonen Chriemhilde sach.

Durch ir vnmazen schöne. der herre do beleip.
mit maniger kurrewile. man im die zit vertreip.
wan daz in twanch ir minne. diu gab im dicke not.
dar umbe sit der chvene. lach vil iämerliche tot.

Iteniwe märe. sich hoben omben Rin.
ez sprachen zu dem kunige. die hosten mage sin.
war umbe er niht ennāme. ein wip zu siner e'.
do sprach der chunic riche. ine wil niht langer biten me.

Des wil ich beraten. wa ich die moze nemen.
diu mir vnt mine riche. ze frowen moze zemen.
an edel vnt ouch an schone. der gib ich miniv lant.
als ich die reht ervinde. si sol ir werden wol bekant.